

Cla pa representa Aruba den e siguiente Ciclo Olimpico

A reuni cu atleta di Beach Tennis Aksel Samardzic

Ayera miembronan di Direccion di Deporte di Comité Olimpico Arubano tabata tin e placer di sinta na mesa cu un atleta cu tin mas cu un decada ta saca cara pa Aruba den e deporte popular di "Beach Tennis", esta Aksel Samardzic.

Ademas di mira hopi exito como atleta den e eventonan single, duo y mixed den e circuito profesional, no por lubida cu Aksel, hunto cu parnternan Sander Castro y

Dominique Hopman a logra varios medaya pa Aruba na e Weganan di "ODESUR Juegos de Playa Rosario 2019". Aksel sigur ta un di e atletanan elite di Aruba, unda cu e ta den e top di mundo pa loka ta trata ranking di Beach Tennis di e federacion internacional di Tennis, ITF. Awe 5 aña despues di e momento bunita ey, Aksel ta bek na mesa cu COA, pa mira kico tin riba bista manera un proximo oportunidad pa por representa Aruba den Weganan di e siguiente Ciclo Olim-

pico 2025-2028.

A probacha di e reunion aki, pa alabes sinta y combersa riba e tema aki cu presidente di Tennis Aruba, Sr. Franz Sydow, cu sigur ta percurando pa desaroyonan positivo dentro di e disciplinanan di tennis na Aruba. Importante pa nota cu e idea di Aksel representa Aruba sigur ta algo positivo y cu tur hende na mesa kier mira esaki pasa, pues lo cuminsa e proceso pa asina inclui Aksel den e planificacion pa e siguiente aña.



Atleta Nacional Kieyon Henriquez cu medaya di brons den WAKO 2024 na Chile

E siman cu a pasa e atleta nacional di kickboxing, Kieyon Henriquez di 20 aña, a biaha pa Santiago, Chile unda cu el a participa den e competencia grandi aki cu mas di 520 atleta for di 18 pais rond mundo, den 120 categoria y 7 disciplina. E evento aki t'e World Association Kickboxing Organisation "WAKO" Santiago de

Chile 2024 cu ta e campeonato Pan Americano 2024 cu ta uno oficial cu ta habri e porta pa weganan olimpico.

Den su categoria el a bringa contra atletanan di paisnan manera Uruguay y Chile. Den e semi final contra e atleta di Venezuela, Kieyon no a logra pasa p'e final pero si a logra si trece e medaya di Brons pa Aruba. Como cu e

ta un evento den cual bo mes-ter cera un team pa participa, Kieyon a forma parti di e team di su welo di Boneiro WAKO team 2024. Na nomber di su famia Henriquez, Maduro y tur su amigo- y coleganan, felicitacion cu hopi orguyo ta ser manda pa nos atleta campeon di Aruba. Kieyon ta ex alumno di Filomena College Mavo y Colegio Nigel Matthew.

Sarah-Quita Offringa corona Campeon Mundial na World Windsurfing Wave Champions 2024

Campeonnan di World Windsurfing Wave 2022 y 2023, Rubiano Sarah-Quita Offringa y Marcilio Browne di Brazil ambos a logra un tercer titulo mundial consecutivo ora nan a caba segundo den e evento final di aña.

Olanan di te cu cuatro meter halto a crea drama y accion pa e 40 aniversario di e Aloha Classic Playa Surf CBbC Grand Final na Hookipa

Beach Park na Maui, Hawaii. E biontonan a causa caos ocasionalmente pa competi-dornan pa scoge nan ekipahe corecto mientras e tabata varia entre biento leve pa biento duro durante varios momento den e final, pero e olanan solido a wanta si full e dia, percurando e plataforma adecua pa un tremendo show. Por medio di obtene e titulo mundial e siman aki, Sarah-Quita Offringa ta tuma titulo mundial number 3 di e tem-

porada y 25 di tur tempo. "Pa loka ta titulonan en general, el a surpasa Antoine Albeau (24) y ta sinti solamente tras di Bjorn Dunkerbeck (42) awo pa mas titulo gana pa un solo persona.

Ademas di esaki, por medio di gana 3 titulo mundial (freestyle, slalom y Wave), e ta bira e prome hende muhe den historia pa logra esaki den un solo temporada.



Verstappen ta kibra record di Schumachers como driver di F1 number 1 pa 896 dia stret

(NLTimes)—Max Verstappen a haci historia den Formula 1 diadomingo, no solamente ganando e Grand Prix Brasileiro pero tambe kibrando e record di Michael Schumacher pa e raya mas largo di dianan consecutivo liderando e ranking di e serie. Cu 897 dia como number 1, Verstappen a surpasa e dominio di 896 dia di Schumacher, un record obteni desde 2003.

E di ocho victoria di temporada di e driver Hulandes a bin despues di un segura di dies careda, confirmando su dominio den e temporada di Formula 1 2023. Cuminsando na di 15 luga despues di un sesion di cualificacion desafiante, Verstappen a completa e careda na Sao Paulo. Esteban Ocon y Pierre Gasly di Alpinos a caba na segunda y tercer luga, respectivamente, mientras cu e rival mas cerca di Verstappen, Lando Norris, a

cay pa di seis luga despues di cuminsa for di pole position.

Cu e victoria aki, awor Verstappen tin un avance di 62 punto riba Norris, posicionando su mes firmemente pa sigura un otro titulo di campeonato. Norris awor ta posiciona cu 331 punto. Verstappen, cu 393 punto, tin hopi chens pa gara e titulo hasta na e Grand Prix na Las Vegas aki tres siman. E careda a ser marca pa varios



momento dramático, incluyendo un bandera cora despues di un accident pa Franco Colapinto y varios auto di seguridad. E decision tactico

di Verstappen pa retrasa su cambio di taira a permiti'e retene su bentaha riba Ocon despues di a cuminsa atrobe, cual a resulta den su victoria.